

REVERENDISSIMI PA-
TRIS AC DOMINI

IOHANNIS
MORTONI

CANTVARIENSIS O-
LIM ARCHIEPISCOPI,
MAGNI ANGLIÆ CANCELLARII,

trium Regum Consiliarij, viri pru-
dentissimi, optimique, vita
obitusque.

*Quum maiorum imagines intuemur, ve-
hementissime tum animus ad virtutem
accenditur. Salust. in bello
Iugurth.*



LONDINI.
Excudebat Richardus Field.

1607.

1812

1813

1814

1815

1816

1817

1818

1819

1820

1821

1822

1823

1824

1825

1826

1827

1828

1829



GEORGIO
MORTONO
VIRO CLARISSIMO,
EQVITI ORNATISSIMO,
AMICO OPTIMO
SALVTEM.



*Rodit in lucem & conspe-
ctum hominum sub auspi-
cijs tuis (Georgi Mortone
Eques clarissime) Iohānes
Mortonus vir (ut in pauca
rem vniuersam conferam) de Reipubli-
cæ Anglicanæ salute, & felicitàte meritis-
simus, tibi verò nomine, & cognationis
propinquitate coniūctissimus, quē ego an-
te quatuor ferè elapsos annos, ab iniuriâ
obliuionis vindicaturum, & tibi inscrip-
turum*

A ij

turum me spondidisse memini; liberaui
itaque nunc fidem meam, sic pollicitatione
illâ tibi obligatam, et impleui si non fortas-
sis omnem quam de me hætenus conce-
pisti opinionem (quantum meâ industriâ
in defuncti memoriâ inſtaurandâ conſe-
qui potuiſſem) teſtis certè officium inte-
gerrimi. Tu pro inſigni candore, & equi-
tate tuâ, veterem conſanguineum lares
tuos, poſt centum ampliùs annos inuiſen-
tem, peramanter (quod ſcio) accipies, cuius
recordatione Mortonorû familia & gens
nobilitata eſt. Et me quoquè veterē ami-
cum tuum, cuius (ita me Deus amet) ge-
ſtit animus, ſi quid illuſtre de popularibus
meis per induſtriâ mererî aliquandò
poſſim, beneuolè (vti ſpero) agnoſces &
complecteris. Vale.

Qui verè & ex animo tuus eſt.
Iohannes Budden.

IO. MORTONI
ARCHIEPISCOPI
OLIM CANTVARIÆ,
magni Angliæ Cancellarij,
trium Regum Consiliarij, &c.
*viri prudentissimi opti-
miq., vita obitusq.*



N eâ Angliæ parte quę
ad Austrum spectat,
quam Durotriges olim
incoluerunt, nunc qui
mutato nomine, seruata
tamen prisce nominis ratione, (quia
maritimi sunt) Dorsettenses vocantur,
regione pascuis, & agriculturâ nobi-
lissimâ, Incolarumq., frequentia, & hu-
manitate celeberrimâ, non procùl ab
oppido quodam cui Beereç nomē est,
natus & in lucem editus est Iohannes
Mortonus. Familiâ ex ea hominum

A iij

classe,

Io. Mortoni Archiepisc.

classe, qui apud nos generosi appellantur, quique; ut illustrem generis seriem & vetustatem agnoscas, in clypeo quadrifariam ex rubro & Ermino, (ut heraldicè loquar) diuiso, in rubro duo capita caprina argentea euulsa cornibus aureis gestitare soliti sunt. Pueritiam, nisi quæ pubertati proximior accessit, omnem domi sub parentum, & præceptorum curâ exegit, inde ad Oxoniensem Academiam, quasi ad solum foelicius transplantatus, ita breui excreuit, ut decursis aliquot annorum stadijs, in virum omnibus literarum & virtutum luminibus clarissimum euaserit. Sermo eius (ut personatus ille *Raphael* in *Mori* Vtopiâ nobis narrat) politus & efficax, ingenium incomparabile, memoria ad prodigium usque excellens, utriusque iuris magna peritia, statura corporis, quemadmodum & moles ipsa mediocris, vires supra mensuram corporis, neque aliundè magis quàm de laboribus reparandæ: vultus quem reuereare

Cant. Vita Obitusq.

uereare, non horreas; ipse etiam in congressu non difficilis, serius tamē & grauis: non eius quenquam absterruit seueritas, nedūm corrumpit facilitas: ad gratiam & beneuolentiam nobilissimorum hominum conciliandam, miris artibus instructus, tum à naturâ sic informatus, ut nisi ad optima quæq; ediscenda perficiendaq; animum non adijceret. Ibi postquam primam ferē iuventam expleuisset, protinūs ē scholâ coniectus in aulam, maximis in negotijs per omnem versatus ætatem, ac varijs fortunæ æstibus assiduē iactatus, prudentiam rerum (quæ sic recepta nō facilē elabatur) multis, magnisq; cum periculis edoctus est. Prima togatæ militiæ stipendia in Arcuatâ (quam appellant) Curiâ, quæ primas inter Ecclesiastica Consistoria partes obtinet, cuiq; nomen à sūmitate Campanilis, ad similitudinem intensorum decussatim arcuum extructi, Temploq; Beatæ Mariæ annexi inditum est. Post vtrius-

que iuris per summam laudem Oxonij adepta insignia dignè meruit; ibi eius scientiæ fructum sensit vberriimū, cuius nimirum vsus non vno alioue momento, sed omnibus propè diebus, & horis penè omnibus perquam est necessarius: ibi (& quid dulcius libero & ingenuo animo esse potest?) potentiorum hominum amicitias sibi deuinciuit, opes diuitum collegit, famam & opinionem optimam propagauit; ibi amicis præsidium, opem alienis, salutem periclitantibus, inuidis & inimicis metum & terrorē, fontibus suppliciū, suum denique cuiq; per forensia ista ministeria prudens Iuriscōsultus attulit. Interea in hoc illustri aduocationis munere, cum ita se gereret, vt nemini non bono gratus, *Thomæ* verò *Bourchiero* Archiepiscopo Cantuariensi ob fidem, iustitiam, religionem fuisset acceptissimus, ab eodem beneficijs, & dignitatibus honorificè donatus, *Henrico* denique eius nominis sexto plurimum

rimum commendatus, à sanctoribus
illi consilijs factus est, cui in omni flan-
tis resistentq; fortunæ vicissitudine sic
adhæsit firmus, vt illum nunquam aut
regno opibusq; stantem & florentem
principem, imò (quod plus mirere,)
rebus omnibus exutum, iacentem defe-
ruerit; sed ratus vtramq; fortunæ pagi-
nam amico cõmunem esse debere, &c.
Reginam quippè supra ingenium mu-
liebre acrem & viraginem cum princi-
pe *Edwardo* comitatus, post cladem
propè Towtonum, verè pharsalium
nostrum acceptam, in Galliam traiecit,
aleam, si fieri potuisset, fati secundioris
experturus: ab illo tempore nunquam
in patriam reuersus est, quamdiù cap-
tus & sub Custodiam detentus *Henri-
cus*, nisi in illam, illam inquam Barneti
fatalem & funestam aciem, vbi eo ar-
morum & consiliorum impetu, non
vter regnaret modò, sed vter viueret
dimicatum est. Post illius pugnae exi-
tum, fractis iam & attritis Henricina-
rum

rum partium viribus, *Edwardus* insignibus spectatæ fidei, & prudentiæ exemplis inductus, hominē nō veniā modò complexus est, sed aduersantē quasi renitentēq; ad se pellexit, adeòque ad intimos beneuolentiæ recessus adsciuit: neque ita multò post, quo testatior esset in eum beneficentia, ad Episcopatū Eliensē euexit; habet præsulatus iste, præter conditionem facultatum, censuumq; cum summis quibusq; comparandā, prærogatiuas etiam regias, & iura (quæ dicunt) Palatini Comititis, quæ *Henricus* octauus huius ex filiā *Elisabethā* nepos, vt summam rerum ad se vnum perduceret, ex senatusconsulto Parlamentario sic rescuit, vt tam laxis immunitatum habenis gaudere amplius nō sustinuerit. Enimuerò *Edwardus* post extincta bellorum semina, altā pace fruebatur: eoq; per virtutis & foelicitatis bellicæ opinionem vsque in animos hostium insinuauit se, vt etiam audentissimo cuique metuendus vide-

vide-

videretur : Itaque sub imperio illius
domi quiete omnes agitabant; arma a-
lijs inferre magis quàm propulsare, re
cum gloriâ maximè cōiunctam expe-
tebant. Cæterùm rebus sic ad votū af-
fluentibus, *Westmonasterij* agens, in
graviissimum morbum repente incidit,
animi nè ægritudine, & mœrore con-
tractum, an ex crapulâ (cui indulgere
etiam supra vires interdum est visus)
parùm definitio; certum est diuturnum
fuisse & lethalem. Quarè cum deplora-
tam planè salutem suam sentiret, nihil
prius habuit quàm vt iustam volunta-
tatis suæ sententiam testamento decla-
raret, in quo inter alios integræ fidei &
spectatæ probitatis consiliarios ad exe-
quendam hanc supremam ordinatio-
nem scripsit *Iohannem Mortonum*.
Multùm deinde super filiorum curâ
nobiliumq; cōcordiâ sollicitus, illos
horum tutelæ, hos colendæ amicitiaë,
etiam atque etiam supremis verbis cō-
mendans expiravit, hæredemq; filium

Ed-

Edwardum moriens reliquit, eiusdem cognominis simul & imperij futurum successorem, nisi ille per summam prodicionem & perfidiam obstitisset (cuius damnata est in omne æuum cum scelere memoria) ille inauspicatus *Glocestriæ* dux; & ruptis, & conculcatis omnium officiorum, & religionis vinculis, quibus homines inter se deuinciri fas est, manu plusquam sacrilegâ augusta regni decora foedè contrectasset.

Richardus iste (id enim nomen tyrannus habet) ubi exemptum è rebus humanis fratrem *Edwardum* cerneret, & malis artibus abundè ad regnum accipiendum grassaretur, extincto apud Pontem fractum *Antonio Wodwillo* Comite de *Riparijs*, viro (ne quid falsi adscribam) erecto animo, quem utpote *Edwardi* quinti auunculum tyrannus metuebat, & *Gulielmo Hastingsio* ultimo supplicio in turre affecto, cæteros quos ex fraternis amicis parùm voto suo obsequentes intelligeret, & inter
hos

hos, *Iohannem Mortonum* Episcopum
Elyensē custodiæ ducis *Henrici* Buck-
inghamij adiudicauit; imminebat cer-
uicibus tuis iam (*Mortone*) Tyranni
gladius, ac nisi efferatam immanitatem
nobilissimorum hominum strages ali-
quantulum expleuisset, aut augusta ve-
nerandi præsulis sanctitas à tam nefan-
do facinore animum abduxisset, non
quidem impendens sed præsens peri-
culum præcauere non potuisses; sed ita
scilicet Deo optimo maximo visum
fuit, & insanientem parricidam cohi-
bere, & vitam tuam illi perniciosam,
nobis, populoq; Anglicano maximè
salutarem prorogare. Tacere interim
aut dissimulatione præterire nullo mo-
do possum eximiam Academiae nostræ
Oxoniensis, matris certè indulgentissi-
mæ in Episcopum, alumnum olim su-
um, nunc indignissimè captiuum fac-
tum, pietatem, quæ quam ex fortunâ
eius secundâ lætitiâ & voluptatem
ceperat, nunc derepentè omnem co-
acta

acta est deponere. Quò itaque ferox Tyranni ingenium aliquantulum mitigaret, & libertatem, si non gratiam, *Mortono* compararet, illustri per epistolam deprecatione ysa est. Christianissimo Regi ac Principi *Richardo*, dei gratia Regi Angliæ &c. Nonnulla sunt, Christianissime princeps, quæ nos vehementer hortari debeant, vt reuerendum in Christo patrem, dominum Eliensem Episcopum, tuæ clementiæ magnoperè commendemus, primum, quòd hic vnus ex primarijs ac præcipuis vniuersitatis nostræ filijs iam iam euaserit; deindè quòd in rebus nostris (siquid forte nostrâ interesset) singularem se nobis patronum atque paratissimum se nobis semper præbuit: hæc autem tametsi magni apud gratos homines ponderis ac momenti esse debeant, nunquam tamen persuadere nobis poterant ad orandum pro eo veniam, nisi quatenus habenda semper esset ratio dignitatis atque salutis tuæ: quippè

quippè cui ob magnitudinem merit-
orum in nos tuorum tantum debemus,
quantum certè nulli superiorum regū
unquam debuimus. Itaque quoad
dubitatum à nobis erat, quo ille ani-
mo in tuam præstantiam futurus esset,
quidve factururus, fas esse nō putauimus
vt illius curantes salutem, tuam in di-
scrimen adduceremus: Nunc autem
quandoquidē compertum habemus,
illum humano quodā errore, non per-
tinaciā lapsū, errati veniam semper
quæsiuisse, commota sunt tandem vi-
scera matris nostræ, quæ veluti *Rachel*
plorans filios suos, miserandam cha-
rissimi filij calamitatem mœsta de-
plorat, nec propterea meritò reprehen-
denda. Sie nim in hoste pietas erga suos
laudanda sit, multò magis in vniuersi-
tate nostra tuæ maiestatis obseruantis-
sima, quæ omnium virtutū studia pro-
fiteretur, pietas in suos laudari debet.
Hæc cum ita sint, nequaquā vltra dif-
ferendum rati, supplices ad tuam cle-
mentiam

mentiam confugimus orantes atque
obsecrantes, ut quoniam nonnullas
(quanquam commemoratis offensio-
nibus leuiusculas) maiestati tuæ iam
poenas dederit, conuersus hominem
respicias, tuæq; dono gratiæ clementi-
am impartias; in quo non modò illi, &
nobis omnibus, & toti Ecclesiæ gra-
tissimum feceris, sed etiam ingentem
tibi & laudē & fructum (vti speramus)
cōparabis. Quis enim auditā tanti pa-
tris reconciliatione, tantam tamque di-
uinam clementiam summis ad cœlum
laudibus non efferat? Illud enim Vir-
gilianum gloriabantur Romani in suis
laudibus dici: Parcere subiectis & de-
bellare superbos: hanc quoque laudē
(teste *Salustio*) Romani vendicabant,
quòd ad ignoscendas quàm ad vlcif-
cendas iniurias propensiores erant. Si
hanc præcipuam laudem atque glori-
am assequi volueris (facile quidem as-
sequeris, si hominem complecti voles)
Romanos ipsos hoc tuo egregio facto
vinces

vinces atque ſuperabis : quantum præ-
terea conſequi fructum ex ea re poſſis,
tametſi nos ipſi ſatis intelligere vide-
mur, commemoratis præſertim eximijs
ipſius virtutibus, nos tamen maluimus
id totum tacitis tuis cogitationibus
conſiderandum relinquere, quàm ni-
miùm longâ, eaq; inuidioſâ oratione
proſequi; ne fortè putaremur (dum lau-
des viri proſequimur) vi potiùs veniam
extorquere velle, quàm ſuppliciter ora-
re, aut in magnitudine virtutum eius
magis, quàm tuæ clementiæ conſide-
re, aut denique ad tuam potiùs iuſtiti-
am quàm miſericordiam confugere.
Quocirca de nobis ſic habeto, ſtrenuiſ-
ſime princeps, quicquid hætenus in
cauſa Episcopii duximus ſuadendum,
magis officij noſtri cauſâ, quàm clemē-
tiæ tuæ diffidentiâ feciſſe. Itaque omiſ-
ſis omnibus quæ vel ad attenuandam
culpam, vel augendam virtutem allēga-
ri poſſunt, omnē ſpem noſtram in tua
miſericordia collocauimus; pollicentes

B

ſi

mentiam confugimus orantes atque
obsecrantes, ut quoniam nonnullas
(quanquam commemoratis offensio-
nibus leuiusculas) maiestati tuæ iam
poenas dederit, conuersus hominem
respicias, tuæq; dono gratiæ clementi-
am impartias; in quo non modò illi, &
nobis omnibus, & toti Ecclesiæ gra-
tissimum feceris, sed etiam ingentem
tibi & laudē & fructum (vti speramus)
cōparabis. Quis enim auditā tanti pa-
tris reconciliatione, tantam tamque di-
uinam clementiam summis ad cœlum
laudibus non efferat? Illud enim Vir-
gilianum gloriabantur Romani in suis
laudibus dici: Parcere subiectis & de-
bellare superbos: hanc quoque laudē
(teste *Salustio*) Romani vendicabant,
quòd ad ignoscendas quàm ad vlcif-
cendas iniurias propensiores erant. Si
hanc præcipuam laudem atque glori-
am assequi volueris (facile quidem as-
sequeris, si hominem complecti voles)
Romanos ipsos hoc tuo egregio facto
vinces

vinces atque ſuperabis : quantum præ-
terea conſequi fructum ex ea re poſſis,
tameſi nos ipſi ſatis intelligere vide-
mur, commemoratis præſertim eximijs
ipſius virtutibus, nos tamen maluimus
id totum tacitis tuis cogitationibus
conſiderandum relinquere, quàm ni-
miùm longâ, eaq; inuidioſâ oratione
proſequi; ne fortè putaremur (dum lau-
des viri proſequimur) vi potiùs veniam
extorquere velle, quàm ſuppliciter ora-
re, aut in magnitudine virtutum eius
magis, quàm tuæ clementiæ conſide-
re, aut denique ad tuam potiùs iuſtiti-
am quàm miſericordiam confugere.
Quocirca de nobis ſic habeto, ſtrenuiſ-
ſime princeps, quicquid hætenus in
cauſa Episcopi duximus ſuadendum,
magis officij noſtri cauſâ, quàm clemē-
tiæ tuæ diffidentiâ feciſſe. Itaque omiſ-
ſis omnibus quæ vel ad attenuandam
culpam, vel augendam virtutem allēga-
ri poſſunt, omnē ſpem noſtram in tua
miſericordia collocauimus; pollicentes

si cætera nobis defuerunt, memoriam
saltem tanti nobis collati beneficii nun-
quam apud nos oblitteratum iri. Diu,
foeliciterquè valeat tua præstans regia
maiestas, Christianissime rex, & prin-
ceps strenuissime, omnium nostrorum
unica salus atque perfugium. Datum
Oxonij in Ecclesia Sanctæ *Mariæ*
Virginis, quarto Sextilis. Sed ille cui
mentem omnem malus Dæmon ex-
cantasset, flecti se aut permulceri gra-
vissimæ orationis impetu & viribus
haud passus est: Tyranni nimirum im-
manitati, præsulis patientiâ litandum
fuit. Hinc igitur auctus, & in Arcem
Brecknochiensem coniectus, tantisper
permansit, donec per insignem pru-
dentiam deluso *Buckinghamio*, viam
quâ euaderet, aperiret; erat *Buckingha-*
mius vir antiquâ profapiâ, acri ingenio,
sed aperto, spei & fiduciæ plenus, ne-
que ambitionis culpâ, neque eloquen-
tiæ laudibus vacans, insignis aucupan-
di gratiam apud populû artifex, ad in-
iurias

iurias ferēdas, aut dissimulandas iuxta
 impotens, cuius fortunam aliquandō
 incuses, interdum doleas. Illum & ty-
 rannum inter, natæ sunt similitudines; ob
 Herefordiæ Comitis latifundia, quæ
 sibi, tanquam ex asse hæredi, iure debe-
 ri iudicabat *Buckinghamius*; dolorē in-
 flammauit summa Tyranni ingratitude,
 cuius cum ita creuisset potentia, idq;
Buckinghamij potissimum operâ, ut ex
 duce in regē crearetur; pati non potuis-
 set, ut quæ Comitis fuerât, duci redde-
 rētur. Hâc indignitate permotus *Buck-
 inghamius* noua concilia moliri in-
 diēs in Regem coepit, quibus impiū illud &
 dijs inferis deuouendum monstrum ē
 medio tolleret: sic enim apud se tacitâ
 quasi inductione colligebat, propter
 scelerū noxiâ exosus numini, patribus
 populoq; iuxta inuisus, & mihi (quod
 ex meis rationibus experior) rursus
 ingratus si me in cōmuni causâ cōtrâ,
 armatū viderit, denso fortissimorū mi-
 litū agmine circumfusū, vbi locorū aut

hominum spem salutis suæ aliquam repositam inueniet? illo autem (vt par est) mactato, mihi præterquàm obtruncati Tyranni honos continget, Imperij (nisi vana auguror) diadema, in præmium virtutis vltro cessurum est; hæc atque alia fortè præmeditatus ad Elyensem, sub specie nimirum amoris, reuerâ vt ipsum quoque in partem conciliorum suorum induceret, illicò profectus est, coepit cum illo per familiaritèr iam agere, omniaq; humanitatis & beneuolentiæ officia erga illum expandere: sed enim ita interim cum duce se gerebat Episcopus, vt diuersum (quod minimè est mirandum) exitum attulerit, huic libertatem, illi interitum, altissima nimirum Præfulis prudentia, & ambitio ducis. Commodè idcirco opportunitatem nactus, simulque intelligens colloquium hoc *Buckinghamio* fore acceptissimum, blandâ interdum oratione, & encomio ipsum pro re natâ prosequitur: ibi verò postquàm sermones

mones longiùs producti essent, senti-
ens eius superbiam, per inuidiam ali-
quid tametsi fortassis primò obscuriùs
& latentèr in honorem Regis eructan-
tem, atque ex eo (si res commodè trac-
taretur) suspicatus fore, vt inter ipsos
diu gratia non coalesceret; callidè in-
primis illum instigauit, ijs tamē artibus
usus, vt non præire sed subsequi videre-
tur. Quamobrè vbi Regem laudare &
ostentare quasi plenis buccis occoepis-
set *Buckinghamius*, quantumq; ex eius
imperio vtilitatis Anglia esset perceptu-
ra deprædicare, *Mortonus* in huiusmodi
sententiam fertur respondisse. Enim-
uerò (dux illustrissime) essem ego, si
mentiar, meritò hominum omnium
stultissimus; etenim si iuramenti reli-
gione contrarium affirmarem, nullam
(vti credo) fidem oratio apud te mea
reperiret: Cæterum si (quod ego
maximè in votis semper habuerim)
Henrici sexti filius sceptro potitus fuis-
set, non *Edwardus*, qui nunc in fata in-

cubuit, haberem equidẽm vnde gauderem seriò: posteaquã in igitur ille paritèr cũ vitâ regno exutus, regni fasces *Edwardo* resignâisset, nũquam ita herclẽ despui, vt mortui causã vellem cum viuo armis contendere, adeòque illi fui per omnẽ vitam obsequens, & (quod oportebat eum maximè, qui illi erat a sacris) fides permansi, & lubentèr filium principem eadem (si Deo visum esset) fide, cultuq; postea agniturus; cæterum si aliter diuinæ providentiæ visum est, contra stimulum (quod aiunt) calcitrare non constitui, neque illud erigere quod prostravit Deus. Quantum autem ad illum Regni olim tutorem, & nunc Regem; ibi subito destitit, & plus (inquit) quàm meo ordini satis est, rebus mundanis me inferui hætenus, itaque quicquid de cetero vitæ supererit, libris & orationibus impendam. Inflammatus illicò intelligendi ardore, ea quæ dicere inceptâisset *Buckinghamius* (quippe quem sub

Regis

Regis nomen derepentè ſubticuiſſe animaduertat) bono animo es (inquit) & quæ præterà apud te cogitaſti audactè dicito, quandò ex eâ re nulum tibi damnum creabitur, & quàm tu facilè reris, inſignius bonū. Et verò (inquit) tuo (pater) ſecreto, & fideli conſilio vti decreui, id quod non leui mihi incitamento fuit, quàm ob rem in custodiam meâ abs Rege te datum impetrauerim, quam (ſi rectè interpreteris) domum non carcerem inueniſti: quod niſi feciſſem, fortassis in eorum manu permanſurus eſſes, apud quos perſimilem gratiâ nō habuiſſes; Episcopus actis illi humilitèr gratijs, de Principibus (ita me Deus amet) multùm fabulari gratum non habeo, vtpote de re, extra omnem periculi aleam minimè poſitâ (ipſa tametſi vox culpâ vacet) quandò pro Principis animo ſæpe, quàm dicentis ſententia magis quicquid dixeris explicabitur. Idcirco elegantem Æſopi fabellam reſolere ſolenne habeo:

Biiij nam

nam quando leonis edicto, sub capitis
 poenâ, cautum erat, nullum deinceps
 in illa sylua cornuto animali reliquum
 futurum locum, ex omnibus vnum, cui
 nata in fronte caruncula, eminentior,
 præcipitè in fugam se coniecit: id vul-
 pes conspicata, & quò (inquit) tam ce-
 leritè te subducis? profectò ita hinc
 me eripuerim (respondit,) nihili æsti-
 mo, ob edictum hoc in cornuta anima-
 lia nupèr editum. Apagesis (inquit)
 cum istâ stoliditate tuâ, vulpes, etenim
 & hîc tutissimum esse potest tibi perfu-
 gium, nequè de te aliquid suspicatus est
 leo, quandò in capite tuo, cornu nul-
 lum geris. Id propè (inquit) intelligo,
 at si cornu appellauerit, quid de me fu-
 turum est postea? subrisit *Buckingha-*
mins, & nequè leo, neq; aper super hâc
 re (inquit) quidquid intelliget. *Ædepol*
 (subiecit Episcopus,) si (quod eram
 dicturus) eius nunc fama ad quenquâ
 perueniret, deductâ in Bilancem ratio-
 nis re, grates, vti ego existimo, mereri
 facile

facile potuisset, id si perperam interpretaris, vtrunque nostrum damno, te verò incommodo longè grauiore afficeret. Tum incensum cupiditate sciendi ducem, Episcopus alloquitur. Enim uerò (Domine) ad Regni Curatorem vltimum quod attinet, qui nunc Regno ipsâ vsurpatione incumbit, quemadmodum aliquid in eo iuris nansciscatur, haud multum sum sollicitus. Cæterum Reipublicę eius bono, cuius illi principatus deferatur, cuiusq; ego, inter postremos licet, ciuis sum, optare nunc incipiebam, vt singularium illarum dotium (quibus nunc quamplurimis insignitur) meâ laudatione parum indigentium, ad cumulum etiam excellentes illas virtutes ad imperium administrandum adiecisset, quas tibi (Princeps serenissime) in pectore inseuit Deus, ibique rursus sermonem cohibuit. Dux subitaneis Episcopi interpellationibus, quasi totidem parenthesibus, haud parum perculsus, alto super-

supercilio sic refert; (Domine Pæsul)
clare nunc perspicio crebras illas lo-
quendi interpirationes tuas, & quasi
diastoles, vt mihi, quantùm ex verbis
licet colligere, sensum nullum attin-
gam vndè vel in Regem vel in meip-
sum animatus sis: nam quòd eximias in
vtrumque nostrum laudes congeris,
quibus ego sic vt indignus sum, ita
prædicationem earum non aucupor,
nonnihil indè subolet mihi, te vel opi-
nionem nescio priuatam aliquam odij
fortassis, aut amoris gratiâ insculptam
imbibisse, quam præsertim præ metu
non audes, aut pudore victus puerili
aperire verecūdaris: quem (itā dignita-
tem meam semper illibatam seruem)
in hoc negotio taciturnum inuenies, vt
neque surdum, aut elinguem magis
cantor, aut venator arborem. Plenus
fiduciâ ex hoc responso Episcopus, in-
genij ducis ad summa aspirantis non
ignarus, neque in Regem inuidentiæ;
coepit iam cōfidentèr abditissima cor-
dis

dis penetralia illi ad inspiciendū proponere, hoc scilicet facto ratus, aut *Richardo* perniciem afferre, & principales honores adimere, aut flammam ambitionis in Ducē sic incendere, vt ipse denique omni periculo immunis euaderet, id quod breui (secundo numine) Regi exitium, Duci interitum; sibi salutem, & decus peperit. Factus iam ducis pollicitatione Præsul confidentior, in hunc modum verba facit; Clementissime Domine, ex quo primū tempore tuæ custodiæ addictus fuerim (quam ego libertatem veriū quam custodiam experior) desidī vitiorum omnium altricis pertæsus, fugitansq; dūm vetustioribus libris perlegendis totus incumbo, in hanc sententiam fortē incidi, Neminem sui iuris, aut arbitrij solum pendere: officiorum quippe partem vnā in parētes referendā, quibus, naturā sic dictante, ortū simul & nutritia debemus, in amicos & sanguinis proximitate coniūctos alteram, cæterū

cæterum natale solum, in quo iucundissimum hunc supparasitantis mundi spiritum hausimus, merito sanè suo maximo, neque menti excidere, neque silètio inofficioso præteriri debet. Quam ego sententiam dum apud me sæpius recolligo, tum recordari soleo, quo in loco patria hæc, & respublica anteaetis temporibus stetit, atque etiam nunc stat, quem nunc habemus præsidem, qualemq; habere possimus, clarè namque prospicio, regnum excidio non procùl abesse. Cæterum hæc me spes vnica iacentem quasi erigit, & cōsolatur. Quoties enim speciem hanc tuam tam excellentem intueor, iustitiam & æquitatem, acrem, ardentemq; in patriam amorem tuum, illius erga te vicissim studium & voluntatem, doctrinam eximiam, foelix ingenium, eloquentiam insignem, quæ omnes certatim te exornât, téperare mihi nequeo, quin, ô fortunatum Angliæ statum, exclamem, quæ talem, tantumq; principem

pem tibi reſeruasti ! vbi verò dotes olim valdè bonas, eius, qui de curatore regni repentè factus est regni rex, per Tyrannidem violatas, per authoritatem nimiam mutatas in peius, per cæcam ambitionis nubeculam obductas conspicio, affirmatè pronuntio illum tanto imperio administrando ineptum, regnum ipsum indignissimis modis habitum, quod à tyranno per vim gubernetur. Quid? an non ad regni diadema arripiendum nobilissimorum hominum cædibus & parricidio grassatus est? an non matrem ipsam palàm adulterij insimulavit? an non fratres iuxtà ac nepotes suos illicito cõcubitu fuisse editos mentitus est? tum postea, quasi parùm ex sententiâ facinus processisset, innocentes animulas foedissimum in modum trucidari iussit, quarum de terrâ sanguis vindictam apud Deum optimum maximum assiduâ supplicatione inclamat. Quis esse potest sub eius tyrannide reliquus cuiquâ
salu-

salutis, aut perfugij locus? qui suorum
interitum nihili, cæterorum omnium
minoris, si fieri potest, nihilô facturus
est? Verùm, vt vno verbo quid velim
intelligas, si quâ relligione, fide, chari-
tate Deum, cognatos, patriam denique
ipsam complecteris, principales Regni
honores tibi decernendi sunt, simul vt
imperium hoc sartum tectum conser-
veretur, simul vt ceruicibus nostris
(ah nimiùm diu impositum) serui-
tutis onus detrahatur: id si repudias,
tum religioso in deum fidei tuæ vin-
culo te adstringo, rationem, aut modũ
indagare, quibus sub bono principe,
Imperium, quod nunc asperum & cru-
dele experimur, fiat moderatius. Hæc
loquutus Eliensis, filum orationis abru-
pit, *Buckinghamio* ne-quicquam pro
eâ vice respondente. Postridiè iterum
ambo conueniunt, de summâ rerũ
amplius deliberaturi: ibi *Henricũ Rich-*
mondie comitem, *Iohannis Somerset-*
tentium ducis ex *Margaretâ* filiâ nepo-
tem,

tem, qui genus suum ad magnum illum Lancastriae ducem *Iohannem Gaudaensem* referebat, & *Elizabetham* è filiabus *Edwardi* quarti natu maximā, Eboracensis porro familiae certissimā hæredem (modò nuptias inter se contraxerint) Reges Angliæ communibus suffragijs consalutant; huius negotij conficiendi cura *Reginaldo Braio*, vni scilicet, ex omnibus *Margareta Richmondia* seruis fidelissimo mandata est, qui (vt virum bonum decuit) illorum iussa fide optima perimplevit. Eliensis interim commodam sese subducendi occasionem nactus elàm, mutatâ veste, in Insulam Eliensem fuga se eripit, inde pecunijs & amicis benè instructus, secundo vento in Belgiam nauigat; ibi verò quantâ fide & diligentia se gesserit, historiae, vel me tacente, prolixè eloquuntur. *Frânciscum* Britanniae ducem, cuius in custodiâ diù permansit *Henricus Richmondus*, per nuncios sollicitauit Rex, vt captiuus in potestatem suam dede-

dederetur, id frustra satagebat, nam bonus ille Britanniae dux precio in perniciem eius corrumpi non potuit. Tandem ablegati oratores animum ducis huiusmodi lenocinijs pertentârunt, fore nimirum ut non *Richmondij* solum census & redditus annui, verum eorum omnium, quos in potestate habebat, in fiscum ducis peruenirent, Regem Angliae nihil porro orare, quam ut perpetuo carceri mancipetur. Dux cui per agritudinem diuturnam una cum viribus ipsa memoria labascebat, oratoribus accipiendis parum aptus habebatur. Itaque *Petrus Landoyus*, qui aerario tum temporis praefuit, (vir ipsam auaritia corruptior) recepit se istis postulatis obtemperaturum, & perfecisset certe nisi Eliensi aliquid de coniuratione suboluisset; continuo igitur re vniuersa intellecta, *Christophorum Prswicum*, qui *Richmondium* certiore faciat, ablegauit; simulque monet, ut primo quoque tempore in Galliam sub specie nationis

nationis abeat; paruit *Richmondia* Eliensi benè monenti, & ad *Carolus* Regem contendit, à quo per benignè acceptus, copias simul, & opes impetrauit; quod nisi ab Eliensi sic monitus fuisset, aut si insidias multò anteaquam struerentur non præuidisset, de tuâ salute, & fortunis omnibus (*Richmondi*) planè actum fuisset, neque tu inter familias principales, propè ad reipublicæ internecionem bellis plusquam civilibus dissidentes, æterni fœderis author fuisses; neque tu rosas, neque ex filiâ tuâ *Margaretâ* prognatus abnepos regna immortali amoris & benevolentia vinculo fœlicissimè coniunxisses. huius itaque beneficii *Henricus* Regno potitus benè memor, de exilio in patriam ipsum reuocauit, regniq; supremum Cancellarium, in locum *Iohannis Alcocki* Episcopi Vigorniensis cōstituit; deindè *Thomâ Bourchiero* è viuis sublato, eundum ad Metropolim Cantuariensem à monachis

C postu-

postulari, & ab Eliensi præsulatu solui, atque trāsferri curauit. Factus iam Archiepiscopus, quod bonum pastorem maximè decebat, Ecclesiam suæ fidei concreditam prudentèr administrauit, annoq; 1486. synodum Londini in Æde Paulinâ celebrauit: multa in illo patrum congressu proposita sunt & agitata, nonnulla etiam sancita, quæ in vulgus prodierunt. Clerû Londinensem, quòd vestibus mollitèr lasciui ret, rogisque clausis non pro more vteretur, sed apertis, (id quod tunc temporis valdè indecorum habebatur) quòd in cauponis & tabernis vinarijs, frequentius quàm decebat sobrios, federet & perpotaret, quòd in concionibus ad Crucem Diui *Pauli*, auditores & populum præsentem nihil doceret, sed Ecclesiasticum ordinem sæpè sugillaret, in Episcopos absentes ineptâ & virulentâ oratione debaccharetur, & corâ Laicis præsertim, qui nescio quo vitæ instituto, aut morum vitio, habiti sūt sempèr
erga

erga Ecclesiasticos alieniores, Archiepiscopus grauitèr corripuit. Quin potius, inquit, si quenuquam in vestro ordine sic aberrare contigerit, vt redarguatur, suo priùs Antistiti rem incusate, hac viâ si nihil profeceris, ad me deferre, qui nisi crimen debito supplicio sic affecero, vt de spe impunitatis interim, quæ maxima est delinquendi illecebra, minimè gloriatur; haud recuso, quin contumelias & opprobria in me iaciatis, & in caput hoc, concionum & concionatorum, quicquid est redundet increpatio. Hæc atque alia dum in Synodo geruntur, Ipsi, Senatui, cœtuiq; Ecclesiastico, narratur adesse præforibus, magnum Angliæ Quæstorem. *Iohannem Dynhannum, Iohannem Comittem Oxoniensem, Thomam Comittem Derbiensem, Regio nomine illuc ablegatos oratores, qui mandata Archiepiscopo, cæteroq; conuentui in hanc sententiam exponerent, Franciscum Britaniæ ducem, à quo dum Rex*

Henricus extorris ageret, malitiam & insidias crudelissimorum hostium veritus, benignè hospitio est acceptus, anxium esse & sollicitum, ne crescente simul cum ambitione Regis Galliarum invidia, subito, nec opinato bello opprimeretur: *Henricum* proinde Regem veteris apud Britannū hospitij non immemorem, ne quid per vim charissimo amico contingeret, operam daturum, adductum quinetiam beneuolentiā subditorum suorum, tum maximè fide & officio præsulum Ecclesiasticorum, monere ut ex eo intelligerent, & quid ipsis faciendum incumberet, & quid rex iure optimo expectaret. Quæ postquam perorasset, Archiepiscopus re cū patribus cōmunicatā, obtinuit ut *Henrico* Regi viginti quinque librarum millia, preter decimā integram, decerneretur. Demum Archiepiscopus, ne ipse parū sapere videretur, quum esset in rem aliorum egregiè sapiens, quod ex sententiā Græci versiculi, omnibus

nibus est in odio, *μίσω σφοδρῆς ἐκ τῶν ὁμοίων*; per vniuersam prouinciā Cantuariensem grādem pecuniarum vim, subsidij dicam an beneuolentiæ loco, (& adiecta est verborum solennis forma: Ad Dei laudem & ecclesiæ Anglicanæ defensionem) percēpit; primā (vti ego accepi solutione) è Diocesi Cantuariensi, (nam de reliquis diuinare nō esset difficile) 354. numerata sunt. Tantis itaque fortunæ dotibus instructo, & secundum à Rege locum occupanti nihil iā defuisse, aut si animus ad honorum fastigium natus, consequi quid amplius velit, Galerius ille coccineus in votis erat; quamobrem anno translationis suæ octauo, ne diutiùs a sūmā dignitate abesset, ab *Alexandro* sexto Cardinalis tituli Sāctæ *Anastasiæ*, inter patres pūrpuratos adscitus est. Vrebat iste nouus dignitatis apex, fortassis in clero etiā alios, *Richardū* certè Episcopū Londinensē maximè, qui per id tēpus cum Archiepiscopo Cantuariensi,

fi, super defunctorum testamentis resignandis, insinuandisq; litem aluit dispendiosam; suggererat insuper, quod propter rubri pilei dignitatem, iustitiæ complementū (sic enim loquitur) obtinere diffideret, idque se aiebat religiosâ attestatone interpositâ, paratū esse cōprobare. Serebat etiam in vulgus, illum sacrâ Christianorum communione, per contumaciâ nescio quâ, exclusum, ratus hoc pacto futurum, vt si in certamine victoriâ minor, causæ saltem bonitate melior vtcunque pronūciaretur: sed hoc innuisse, quàm annotasse satius erat; itaque aliò nūc flectenda est oratio. *Anselmum*, virum doctrinâ aut pietate, incertum an clariorem, sic præ ceteris admiratus esse dicitur, vt eius memoriam religiosè prosequeretur, & in numerum sanctorum (sed magnis sūptibus) ascribendū curaret. Id quod *Henricus* septimus, dū in patrui sui *Henrici* sexti (superiorum Regum nemini sanctitate secundi) gratiam

tiam efficere tentâſſet (vidi enim pote-
ſtatem *Iohanni Mortono* conceſſam ſu-
per vitâ eius & miraculis inquirendi, vt
inde collectâ fide, quid de Sancto ſta-
tuendum videretur, occurreret) expen-
ſarum (vti ferunt) magnitudine, vtpote
octingentis quinquaginta quatuor du-
catibus effundēdis deterritus à ſuo propo-
ſito prudenter deceſſit. Enixa eſt puer-
perio poſt homines natos longè foeli-
ciſſimo *Elizabetha Regina* filiolarum ſu-
am natu maximâ *Margaretam*, Regū
(quod ego ſpero & voueo) vſque ad
mundi vniuerſi excidium, futuram im-
mortale ſeminarium: illam è ſacris
baptiſmi lotionibus excepit *Iohannes*
Mortonus. Quantus in hoc munere
ſubeundo ſplendor? ſuâ fide pro illius
religione iubere, quam infinita ſæcu-
lorum omnium ſeries Regum inclytiſ-
ſimorum filiam & (quod longè ſupe-
rat) *Iacobi* Britanniarum Monarchæ
proauiam celebrabit. De quâ magnus
ille *Eraſmus* in Epigrammate quodam

40 Io. Mortoni Archiepisc.
sic pulchrè cecinit.

*Proxima cōsequitur nympha, quæ nomina ducis
Ab unione Persici fetu maris.*

*Omine delector, blando candore lapillus
Placet pudore Margarita lacteo,*

*Hic teres est, nec inaequali tenore rotundus
In Margaritæ moribus scabrum nihil.*

*Est noua cum liquido gemma cognatio cælo,
Claret sereno sole, pallet nubilo.*

*At mea virgo pijs est additiissima Diuis,
Cælumq; mauult, quàm vagū pelagus sequi.*

*Hanc qui cum socijs vidisset ludere Nymphis,
Habiliq; fratrem tela torquentem manu,*

*Aureus hic Phæbus, seror hæc argentea Phæbi
Per ipsa iuret alma Phæbi lumina. (est,*

Incidebat per id tempus grauissima
Cornubensium in Rempublicam sedi-
tio, qui imperatam in bellum Scoticū
pecuniam, dolore partim atque animi
ægritudine præcipites acti, vtpotè qui
sterilissimam totius insulæ partē, eam-
que, si cum cæteris comparatur, mini-
mam incolentes, tantūm plumbo stan-
noq; fodiendo dies noctesq; ceu pis-
strino affixi tenuem victum sibi quæri-
tarent,

tarent; conferre se amplius posse per-
 negant. Istius mali fontes *Iohannem*
Mortonum & *Reginaldum Braiū*, quod
 principes essent domestici senatus, &
 apud Regem in gratiā flagrantissimā,
 vociferantur; eos proindē ad supplici-
 um pro tanti facinoris indignitate, de-
 signandos, in eos potissimū ceu Rei-
 publicæ sicarios & carnifices, quā
 bonos cōsiliarios veriū, qui ciues pau-
 pertate, & rerum indigentia confectos
 deglubunt, exossantq; in eos inquam
 tanquā in perniciosissimos parrici-
 das, more maiorum pœnis capitalibus
 litandum vindictæ esse. Quum illi
 tamen, quos præ cæteris regiæ indolis
 corruptores insimulabant (nisi omnem
 historijs fidem & veritatem detractam
 velimus) ita recta, honestaq; officia ri-
 gide colebant, vt si quid *Henricus* ipse
 interdum admisisset, *Mortonum* &
Braiū acerrimos censores, & quasi
 magistros morū esset habiturus; adeo
 vulgus hominum, pessimo errore ple-
 runquē

runque abducitur. Cæterum post miserandam Cornubiensium cladē, quā terribilissimæ coniurationis faces extinctæ sunt, *Mortonus* vergēte iam, ad extremam senij periodum ætate, domi se continebat, simul ut hominum invidiorum calumnias aliquantulum obtunderet, qui benè merenti malam gratiam reponere studuerunt; simul ut erogandis in pauperum usus eleemosynis, accipiendisq; aduenis & peregrinis vacaret, (qui eo frequentes quasi ad publicum aliquod diuersorium concurrere soliti sunt) Apostolici præcepti memor, oportere Episcopum hospitem esse. Fortè fortunā quum die quodam in eius mensâ essent, qui leges patrias profitebatur, alius qui orbis contemplandi studio diù peregrè absuisset, plurima inter illos super infligendâ furibus poenâ oborta est disceptatio, illo rigidam iustitiam collaudante, per quā nonnunquam in vnâ cruce suspèduntur viginti, hoc asserente punitionem hu-

huiusmodi, & supra iustā esse, & nō ex
 vsu publico, donec *Mortonus* quid ex
 utrāq; parte afferri potuisset intelligēs,
 pro lite dirimendā sententiam suā in-
 terposuit; adiecit porro sibi æquum vi-
 deri, vt etiā in quos hactenū tam mul-
 tis legibus nihil profecissent, ad eundē
 modū, quē pro furibus coercēdis pere-
 grinus excogitāset, tractarentur. Quū
 perorāset Cardinalis, eū certatim lau-
 dibus qui accūbebant prosecuti sūt, ob
 id tamē maxime, quod vagis erroneis
 aliquā ratione prospiciendū fore decre-
 uisset. Excipiente autem quodā, vt non
 furibus & erroneis modo, verū illis
 etiā, quos aut corporis imbecillitas, aut
 ætatis impotentia laboribus inutiles ef-
 fecisset, aliquid ex decreto publico con-
 suleretur; quidā parasitus, qui adstabat,
 & morionē agere simulabat, sine me in-
 quit, nam ego quemadmodum hoc
 certē fiat, ipse videro, mendicos omnes
 morbo, aut senio confectos in Bene-
 dictinorum collegia relegādos censeo,

vt laici fiant monachi, mulieres moniales esse iubeo: subrisit Cardinalis, & approbat ioco, cæteri etiã seriò. At ne sic quidem te expadies, inquit Theologus quidam frater, nisi pro nobis quoque, qui fratres sumus, vnde commodè sustentemur, aliquid consilium ineas. Atquì (respondet parasitus) hoc iam curatum est satis, nam Cardinalis egregiè prospexit vobis, quùm de Erronibus castigandis sententiã dixerit, nam vos estis Errones maximi. Etiamnè inquit (frater) nos Errones maximos appellas, tu nebulo, detractor, suffurro, fili perditionis? scurram postquam se ita acceptum vidisset, instigare nunc non erat opus, & noli, inquit, irasci (bone frater) scriptum est, in patientiã vestrã possidebitis animas vestras: tum frater, nō iraseor, inquit, furcifer, vel saltē non pecco, nam Psalmista dicit, irascimini, & nolite peccare. Admonitus deindè frater à Cardinale suauitèr, vt iracundiam ebullientem edo-

edomaret; non domine, inquit, ego lo-
quor nisi ex bono zelo, sicut debeo:
nam viri sancti habuerunt bonum ze-
lum, vnde dicitur, zelus domus tuæ
comedit me; & canitur in Ecclesijs,
Irrisores *Eliæei*, dum conscendit do-
mum Dei, *Zelus* calui sentiūt, sicut for-
tasse sentiet iste derisor, scurra, ribaldus.
Facis, inquit Cardinalis, bono for-
tassis affectu, sed mihi videris facturum,
nescio an sanctiūs, certè sapientiūs, si te
ita compares, ne cum homine stulto in
palæstram congregiare; non Domine,
inquit, non facerē sapientiūs; nam *So-
lomon* ipse sapientissimus dicit, respon-
de stulto secundum stultitiam eius, sicut
ego nunc facio, & demonstro ei foue-
am, in quam cadet, nisi benè præcaue-
at; nam si multi Irrisores *Eliæei*, qui e-
rat tantum vnus caluus, senserunt *Zelus*
calui, quanto magis sentiet vnus derisor
multorū fratrum, in quibus sunt multi
calui? & etiam habemus bullam Papa-
lem, per quam omnes, qui deridēt nos,
sunt

funt excommunicati. Cardinalis ubi vidit nullum modum esse loquendi tam garrulo fratri, nutu ablegato parafito, ac ad aliam rem conuerso sermone, è mensâ surgit, atque audiendis Clientum negotijs dedit se, & dimisit conuiuas; fui in hac fabulâ enarrandâ fortasse quàm decuit verbosior, præterire tamē non potui, vel quia eam *Thomas Moro* in aulâ Cardinalis à pueris educato, mox apud illustrem Academiam Oxoniensem, eiusdem patris beneficentiâ informato, perplacuisse videā, qui me suis penè verbis in Vtopiā præiuit, vel quia eius viri memoriæ studio vehementer abducor, cui quum tu tam impensè faues, videris herclè mihi nescio quibus philtris charior effectus, quum esses aliôqui vel tuo ipsius nomine, longè charissimus: nam Oxonium, nobilissimam Academiam nostrā, suam, vt ille appellare consuevit, matrē splendissimā, quibus beneficijs sequus est, præter consignatas literarum

mo-

monumentis gratiarū actiones, gentis
suæ insignia passim in suggestu ad Di-
uæ virginis, & in scholâ theologicâ stu-
diosè insculpta, eius erga bonas lite-
ras promouendas industriam, simul &
municentiam prolixè ostētant. Can-
cellarij munus, quod nemini vnquam
obtiget, nisi dignitate summâ & bonita-
te conspicuo, quodq; alij (reiectâ inte-
rim de ambitu lege Iuliâ) multâ prehē-
satione aucupantur, illi ab Academia
vltrò delatum est; & gessit certè ille ma-
gistratum hunc sibi perhonorificum,
& gloriosum, nobis commodum, & sa-
lutarem: moriens quippè, in testamen-
to viginti Oxonij, Cantabrigiæ decem
scholares suis sumptibus in bonis lite-
ris instituendos viginti totos annos
piè imperauit, summamq; 133. libra. 6.
sol. 8. den. in eum finem subministrā-
dam curauit: in pauperibus fouendis,
liberis indigentium alendis, notis & fa-
miliaribus promouēdis, propinquis &
consanguineis per honorificas, & opi-
mas

mas hæreditates locupletandis, in con-
dendis & reparandis ædibus quantus
fuerit, nam & Lamebitham deterfa
prorsus vetustate instaurauit, & ca-
strum ex cocto latere, quod nunc Wis-
bici visitur, auorū nostrorum memoriā
extruxit; & incile in palustri regione
duxit ad subuectationis cōmoditatē, vt
aduenarum frequentatione, vberiore
quæstu oppidum incresceret; vt taceāt
homines, parietes ipsi prolixè eloquū-
tur. Appulerat iam homo senex & de-
uexæ ætatis ad extremum vitæ præci-
pitium, vnde, confecto rerum huma-
narum stadio, repositam in coelis bea-
titudinem, annorum & curarum satur
expectaret. Quod ille non procū ab-
esse sentiens, supremam voluntatis suæ
testationem in hæc verba declarat. Ego
Iohannes Mortonus &c. sanus (Deo lau-
des) corpore, & compos mentis, mecū
commemorans, quod cunctis vna sit
moriendi necessitas, nihilq; certius
morte existat, & si hora, genusq; mor-
tis

tis incerta fuerint, nilq; rebus in humanis execrabilius esse poterit, quàm Dei, suiq; ipsius obliuio, quoniam peccator moriens, sæpenumerò obliuiscitur sui, qui, dū viueret, obliuiscetur Dei; condo testamentum &c. In eo legata, & ex ipsâ hæreditate in pios & publicos vsus delibationes erogatæ sūt plurimę. Regem *Henricum* septimum, Dominum & patronum clementissimum, Reginam *Elizabetham* lectissimam heroinam, principem *Margaretā* filiolarum suauissimam, matrem Regis *Margaretam* foeminam incomparabilem, aliquo beneuolentiæ & gratitudinis pignusculo moriens donauit. Nā *Henrico* portiferium (vt appellant,) *Elizabetha* psalterium, *Margareta* filiolarum, scyphum aureum, vnā cum dolijs, & quadraginta libris, *Margareta Richmōdia*, beatæ virginis *Mariæ* ex auro puro conflatam imaginem, Ecclesiæ Eliensi mitram, & Crucem Archiepiscopalem, omnem denique famulis su-

D

pel-

50 *Io. Mortoni Archiepisc. &c.*
pellectilem, animam diuinæ miseri-
cordiæ cōmendauit. Mandauit etiam
& de funere, quod intra mille marcarū
summam magnificè celebratum esse
voluit, nam de sepulchro præsertim
sumptuoso, nisi quod marmoreo lapi-
de corpus suū cooperiri ordinauit, in-
gens est silentiū. *Thomam Mortonum,*
& *Iohannem Mortonum*, duos ex fratri-
bus filios scripsit hæredes, & *Iohannem*
Fineuxium, supremum in tribunali re-
gio iudicem, cum alijs quoque non-
nullis Ecclesiastici ordinis viris, execu-
torem instituit. Itā confecto multorū
annorum curriculo, optimus pater pla-
cidè in Domino obdormiuit, postquā
tribus regibus, ingenij, doctrinæ, pieta-
tis & experientiæ causā charus & ac-
ceptus fuisset, & apud singulos in max-
imā authoritatē, gratiaq; ceteris
tuis aui mortalibus, floruisse.

FINIS.

Johannes Morton

i-
m
rū
le
m
bi-
n-
ri-
e-
n-
u-
rū
a-
nā
a-
c-
is

BRITISH

DEPARTMENT

PRINTED

CATALOGUE

14657.

AUTHOR

BUDDEN, J.


TITLE

REVERENDISSIMO
DOMINI. MORTONI. VIT.

PLACE & DATE OF ORIGIN

LON

INCHES



British Museum Photograph

MUSEUM

THEATRE BOOKS

7. ORDER 691152.

JOHN.

ESSIMI. PATRIS. AC.

VITA. OBITU.

LONDON. 1607.

2 1 2 3 4 5 CENTIMETRES

Photographic Service, London